

第三名

何孟穎

大學這條路

得獎感言

在邁向大學的這條路上，我曾經跌倒過，沒有考上我原本想上的學校及系所，讓我嚴重地自我懷疑，還好媽媽一直用正向的態度，開導我、鼓勵我；長庚大學及時將我納入”跨領域人才培育計畫”的學生，讓我對自己重新燃起信心。進入大學後，遇到好老師、好同學，參加各種課程及社團，讓我終於確定自己的興趣，原來當年的”跌倒”並不是終點，而是發現興趣的起點！

感謝在這過程中，幫助我的所有人。



大學這條路

時間過還遽！想著高中三年生个時節，佢坐在書桌前，看能掛在壁頂个月曆！心肝肚想：「係考試順利，考著佢想愛讀个學校、想愛讀个系，明年這下，佢斯係大學生了！」一瞞目，佢這下斯讀研究所了！

還記得高中一年生个時節，有一擺，先生摻同學分幾組，逐組愛去訪問一個大學生，問佢：「仰會想愛讀該隻學校？該隻系？」

佢摻共組个同學討論後，佢个任務係愛尋一個做得分佢兜訪問个大學生。

佢轉到屋下後，摻佢姆參詳：看有麼儕做得分佢兜訪問無？

因為佢姆在學校教書，當遽，佢就尋著一個大學生——頭擺摻佢讀共隻學校个阿姊，分佢兜訪問。

佢當記得佢摻佢兜講：「選擇哪隻學校、哪隻系，愛考慮自家个興趣摻未來个發展。因為當多人大學畢業後，係無續等讀研究所，斯會直接出社會做頭路。你兜選擇个學校摻系，會影響你兜未來个頭路摻人生个發展。所以，高中這三年，除了愛煞猛讀書，培養能力之外，乜愛去發現自家个興趣摻專長。係未來做得做自家有興趣个頭路，該係最幸福个事情！」

佢從細到大，就當好畫圖，也當好觀察大自然，尤其係用膨鏡看細細个東西，並摻看著个東西畫出來，佢對醫學乜當有興趣。經過摻阿爸阿姆參詳後，決定向醫學方面發展，最好係中醫系。所以，高中一年生愛上二年生个時節，先生問佢：「二年生想愛讀哪組？」佢直接應佢：「自然組」。

當遽，一年過忒了。佢上三年生个時節，第一件事情斯係規劃讀書个進度。所以，佢个月曆頂背，寫到淦淦个讀書計劃。為著做得考著自家想愛讀个學校摻系，佢逐日朝晨讀到半夜，照月曆頂背寫个計劃，決定愛讀忒正睡目。上學期一結束，斯考「學測」。

雖然，學校考過當多擺「模擬考」，毋過，正經个考試摻「模擬考」還係無共樣。為著安佢个心，阿姆還看隻好日仔，渡佢去「文林閣」拜「文昌爺」，希望「文昌爺」庇佑佢做得考著佢想愛讀个學校摻系。盲知，到正經考「學測」个時節，佢還係當緊張，緊張到手激激顫！最尾，考出來个成績，雖然還做得，毋過，愛上中醫系，機會毋大。所以，摻阿爸阿姆參詳後，佢決定避暑再過考「指考」。

日合夜讀書，當遽斯來到「指考」个日仔。第一日，逐科順順利利考已好！第二日，最尾節考數學。佢一看考卷，心肝肚偷暢一下，題目看起來毋會幾難樣。毋過，佢越寫，心肝就越冷，當多題寫到一半就寫毋下去了！身體開始出冷汗。鈴仔響了，先生摻考卷收走，當多共下考个同學噉出來！佢忍等目汁，東西收好斯行出去，看著阿姆个車仔停在路脣等佢。

一上車，阿姆可能看佢个面色無麼个好，失魂失魂樣，佢也無問佢考著仰般形，兩子哀怙怙無講話。後來，阿姆忍毋核了，講：「想噉就噉出來，毋好在心肝肚慍等。」聽著阿姆恁樣講，佢開聲噉出來，緊噉緊講：「佢恁煞猛日合夜讀書，平常成績已好，仰會一到正式考試，運氣就恁毋好！」阿姆安慰佢：「盡力斯好了！你考毋好，別儕乜無一定考著好！人生當長，乜無一定愛讀中醫系，無一定你讀其他个系，會讀著還較好，還較適合你！」聽著阿姆恁樣講，佢个心情正漸漸仔平靜下來。

在等成績單這段時間，佢嚟佢有興趣个學校嚟系，用電腦一隻一隻看，一隻一隻擇。接著成績單後，嚟佢揣个分數差毋多，斯數學考壞忒。阿姆打電話分佢細姨，佢頭擺在交通大學做主任，較了解大學錄取學生仔个情況。佢姨講佢个成績係閃開數學加分个系，還係做得填著當好个學校、當好个系。

經過嚟爺哀討論後，佢決定去讀長庚大學「醫事生物技術暨檢驗學系」，一方面係佢對中醫系還言死心，全國斯兩隻大學有中醫系，長庚大學斯係其中之一，佢想先讀其他个系，順續去聽中醫系个課，係正經有興趣，明年正來轉系。另外一方面，佢對這隻系乜當有興趣，尤其係佢做得用「顯微鏡」來觀察目珠看毋著个細東西，佢從細到大斯當好做个事情。雖然，佢个分數比錄取分數高出當多，毋過，佢還係嚟這隻系填在第一志願。

為著安佢个心，阿姆特別陪佢去長庚大學遶寮。盲知，轉到半路，接著學校傳分佢个通知，講：學校選佢做「跨領域人才培育計畫」个學生仔。忽然間，佢个心情從谷底變到有自信：雖然佢个考運毋好，無考著佢想愛讀个系，毋過，佢還係做得做當多事情！

大學一年生搬落宿舍个時節，看著宿舍恁新恁淨，學校个阿哥阿姊當熱心嚟佢兜搵手搬東西，嚟佢兜紹介學校，佢兜開玩笑講：「偲佢學校最大个好處斯係眠床特別多，毋驚你來戴，斯驚你毋來戴！」原來，學校大部分个學生仔都棧學寮。看著阿哥阿姊恁生趣，對第一擺離開屋下在外背戴个佢來講，斯像食了定心丸樣。

嚟佢共下戴个同學，通盤乜係第一擺離開屋下棧學寮个。一開始大家當生份，漸漸仔越來越熟絡，大家互相幫助、互相照顧。

阿姆講：「讀大學除了讀書之外，乜愛學做人做事个方式。」佢鼓勵佢參加系學會、社團等。所以，佢一年生个時節當無閒，除了佢个系愛讀个課之外，佢還選中醫系个課、上「跨領域人才培育計畫」个課、參加系學會摺社團个活動，比高中還較無閒！

經過一年个比較，佢發現佢對這下讀个系較有興趣。因為做得看著、學著頭擺毋識看著、想著个東西摺知識。所以，佢決定毋轉系了！

佢讀个系規定：二年生斯愛選自家有興趣个研究，尋教授來指導，開始愛去研究室做實驗。佢從細斯當好做實驗，佢選摺血有關个研究。佢个教授對佢當好，當認真指導佢做實驗，分佢建議。雖然壓力當大，毋過，也學著當多知識！除忒讀書、做實驗，佢還擔任社團个幹部，辦當多活動，交當多朋友，乜學著當多東西！雖然無閒，毋過，生活當精彩！

三年生个時節，佢摺教授參詳，佢想參加「國科會大專生研究計畫」，一開始，教授認為愛申請該項計畫毋恁該，愛佢考慮清楚。毋過，佢認為「敢去就一擔樵，毋敢去就屋下愁」，佢摺教授講：「係無去參加，佢會毋甘心，驚佢下擺會後悔！」教授看佢恁有決心，佢斯盡力指導佢、幫助佢。皇天不負苦心人，佢順利申請著該項計劃，在教授个指導下，做還較深入个研究。教授問佢：「愛讀研究所無？」佢想斯無想講：「愛！」，開始申請研究所。

照學校个規定：大學四年生愛去醫院實習。佢去實習个時節，正了解檢驗在醫院个重要性。檢驗斯像醫生个目珠樣，檢驗結果會影響醫生个判斷、病人个病情。所以，大家做檢驗愛當細義，決定愛檢查當多遍，檢驗報告正做得送出去。佢一頭實習，一頭準備考「醫檢師」。因為在醫院實習，有當多前輩做得請教，佢兜教佢當多知識。在大學畢業後兩個月，斯考著「醫檢師」了！

在偅行「大學這條路」个過程中，偅試著高中訪問个阿姊講當著，「發現自家个興趣摻專長」當重要。毋過，萬一大學係無考好，乜毋使昶失望。人講：「一枝草，一點露」，斯愛自家肯煞猛、肯打拚，大學這條路，還係做得行到當精彩！